

Na osnovu člana 33. Statuta općine Doboj Istok („Službene novine općine Doboj Istok“ broj:05/08) i Odluke o utvrđivanju uslova, kriterija i postupka dodjele stipendija redovnim studentima dodiplomskog studija („Službene novine općine Doboj Istok“ broj: 2/22), Općinski načelnik općine Doboj Istok na prijedlog Komisije za mlade, društvene djelatnosti i informisanje Općinskog vijeća Doboj Istok raspisuje

**K O N K U R S**  
**za dodjelu stipendija redovnim studentima dodiplomskog studija**  
**za akademsku 2022/2023. godinu**

**I**

Raspisuje se konkurs za dodjelu 20 (dvadeset) stipendija redovnim studentima dodiplomskog studija u akademskoj 2022/2023. godini u ukupnom iznosu od po 1.000,00 KM po studentu.

**II**

Pravo na stipendiju imaju redovni studenti koji ispunjavaju sljedeće uslove:

- da su državljani Bosne i Hercegovine,
- da imaju prijavljeno mjesto prebivališta na području općine Doboj Istok,
- da su u tekućoj školskoj godini prvi put upisali određenu godinu studija,
- da je redovan student visokoškolske ustanove dodiplomskog studija-fakulteta koji se vrednuje sa najmanje 180 odnosno 240 ECTS bodova,
- da se školuje na univerzitetima u Bosni i Hercegovini,
- da nije stariji od 28. godina.

**III**

Uz zahtjev je potrebno da studenti prilože sljedeće dokaze:

a) obavezni dokumenti

- uvjerenje o državljanstvu,
- dokaz o prebivalištu (CIPS prijava),
- uvjerenje da je kandidat redovan student odnosno uvjerenje da je prvi puta upisao određenu akademsku godinu studija,
- dokaz o završenim razredima srednje škole - za studente prve godine fakulteta (uvjerenje o završenim razredima ili potvrda o prosjeku ocjena izdata od ustanove srednjeg obrazovanja),
- uvjerenje o položenim ispitima sa ocjenama i izvedenom prosječnom ocjenom iz prethodne akademske godine,
- ovjerena izjava da nije korisnik druge stipendije

b) dokumenti po osnovu kojih kandidatu pripadaju bodovi:

- diploma o proglašenju učenika generacije za studente prve godine fakulteta (original ili ovjerena fotokopija),
- dokaz o osvojenim nagradama i priznanjima u školskim, nastavnim i sportskim aktivnostima na međunarodnom, državnom, federalnom i kantonalnom takmičenju iz prethodne godine redovnog studiranja/školovanja (ovjerena fotokopija),



- uvjerenje da je kandidat iz uže porodice šehida, poginulih boraca i RVI-kopija prvostepenog rješenja ili revizionog rješenja sa procentom invalidnosti (posljednje rješenje na snazi) (original ili ovjerena fotokopija),
- uvjerenje da je kandidat iz uže porodice demobilisanih boraca (original ili ovjerena fotokopija),
- dokument kojim dokazuje odgovarajuće srodstvo sa licem iz braniteljske kategorije-rodni list i sl. (original ili ovjerena fotokopija),
- uvjerenje da je kandidat član porodice čiji je roditelj bio angažovan u radnoj obavezi najmanje 24 mjeseca/Uvjerenje izdato od nadležnog organa za pitanje evidencija iz oblasti vojne obaveze kojim se potvrđuje raspoređivanje u radnu obavezu roditelja kandidata a u periodu od 18.9.1991. – 23.12.1996. godine (original ili ovjerena fotokopija),
- uvjerenje/potvrda izdata od strane poslodavca kod kojeg je lice bilo raspoređeno u radnoj obavezi, a koje obavezno sadrži naznačen period u kojem je lice bilo raspoređeno u radnoj obavezi (original ili ovjerena fotokopija),
- dokument kojim dokazuje odgovarajuće srodstvo sa roditeljem koji je bio angažovan u radnoj obavezi-rodni list i sl (original ili ovjerena fotokopija),
- dokaz o ratnim priznanjima i odlikovanjima za roditelja u Oružanim snagama (Armije Republike Bosne i Hercegovine, Hrvatskog vijeća odbrane i policije nadležnog organa unutrašnjih poslova), (original ili ovjerena fotokopija),
- uvjerenje iz porezne uprave za kandidata i sve punoljetne članove domaćinstva sa kućne liste o ostvarenim prihodima u 2022. godini (original ili ovjerena fotokopija),
- kućna lista kandidata u kojoj su navedeni svi članovi porodičnog domaćinstva, CIPS-ov PBA3 obrazac za svakog člana domaćinstva sa kućne liste (original ili ovjerena fotokopija).

#### IV

Zahtjevi sa potrebnom dokumentacijom dostavljaju se Komisiji za mlade, društvene djelatnosti i informisanje Općinskog vijeća Doboj Istok i isti se predaju na protokol općine Doboj Istok u Klokočnici ili se šalju preporučeno putem pošte.

**Svi dokumenti koji se traže u konkursu treba da budu u originalu ili u ovjerenoj fotokopiji.**

#### V

Konkurs ostaje otvoren u periodu od 20.03.2023. godine do 07.04.2023. godine i isti će biti objavljen na web stranici [www.opcinadobojistok.ba](http://www.opcinadobojistok.ba), oglasnoj ploči općine Doboj Istok i oglasnim pločama na području mjesnih zajednica općine Doboj Istok.

#### VI

Nepotpuni i neblagovremeni zahtjevi neće se uzeti u razmatranje.

Bosna i Hercegovina  
 Federacija Bosne i Hercegovine  
 Tuzlanski kanton  
 Općina Doboj Istok  
 Općinski načelnik

Broj: 01-34- 583 /23  
 Datum, 17..03.2023. godine

